

RICCHEZZA

Geolier

Dat Boi Dee, accide a chisto

Ogge parlo 'e ricchezza
E p''a fá 'e frate mi' venneno 'e piezze
Maschere 'nfaccia, fra', cadono a piezze
Nn'ghiammo 'int'â messa
Pecché si Cristo vulesse, cash da cielo cadesse
Ê vvote domando a mamma pecché prega
Essa dice pe me fá perduná
Prego 'o devil 'int'ô sesso e 'int'ô rap
In entrambi i case me facesse durá
Nu guaglione me facette spará
Jette â casa, c''o dicette a papà
Isso ricette: "Nn'ce vonno 'e palle a ffá 'e reate
Ce vonno 'e palle a faticá"
Nepoteme nn'me vede maje, prova scuorno pure a ddá n'abbraccio
'E frate mi' fanno sì ca nun sbando
'O lato mio simmo tutte compatte
A papà nun 'o chiamma cchiù 'a Compass
Mo 'o chiamma 'a Jeep pe riceve 'o Compass
Tu dure tre mise, fra', comme 'o Plus
Comm''o falso amico ca scumpare ch''e guardie
Tre mise, amò, comm'e chella gravidanza
Chillu periodo arragiunav c''a panza
Ce sussuravo ca vulevo nu maschio
Pe ce fa fá tutte cose ca i' nn'aggio fatto maje

Mo sî n'ommo e nun puó avé vint'anne
Mo sî n'ommo quando suoffre e nun chiagne
Mo sî n'ommo, so' già troppe vint'anne
So' già troppe 'sti sbaglie, sulo muorto nn'se cagna, no
'Int'a n'ata vita nuje eramo stelle pecché brillammo da muorte
Forse è pe chesto ca desse pure 'a vita si aggio data 'a parola

Manuè, hê fatto cchiù scelte sbagliate
Ma no pe via toja, ma pe stá a sentí a ll'ate
Hê fatto bbuono a nn'accettá 'e sorde d''a malavita
Hê fatto bbuono a nun fá maje na hit estiva
Frate e frate se vasano mmocca, se sparano 'nfaccia
So' cuntento ca oggi nn'tengo rimpiente
Sî ricco quando puó chiammá a pateto
E dice: "Papà, pe favore passame a mamma"
Sta fratemo, m'ama, 'sti lengue so' lame
Manuè, 'doppo fatte 'e sorde sî n'ato
'O valore d''e sorde tu te l'hê scurdato
Te scuorde? Sudavo durante 'a settimana
Tutte quante a mare, era estate, tremmavo
Però si era vierno e si nn'fusse cagnato
Nn'appicciase 'e sorde pe scarpe e vestiario (Yeah)
Successo e ricchezza nun t'hanno salvato

Mo sî n'ommo e nun puó avé vint'anne
Mo sî n'ommo quando suoffre e nun chiagne
Mo sî n'ommo, so' già troppe vint'anne
So' già troppe 'sti sbaglie, sulo muorto nn'se cagna, no
'Int'a n'ata vita nuje eramo stelle pecché brillammo da muorte
Forse è pe chesto ca desse pure 'a vita si aggio data 'a parola

Papà fatica ancora nonostante sape ca tengo 'e sorde
Dice ca si 'o desse 'a magná i' nun se sentesse cchiù n'ommo
'A vita è breve, ma addeventa longa quando è triste
Nn'songo ancora n'ommo, ma me sto 'mparanno 'a isso